

# Goiza

Igotz

Itxaroz oparotsu datorkit goizean  
Udabarri zelain lez egun-sentia,  
Maitez zabaltzen daula goiz-argi joria  
Giza-biotz oroen erpin adarrean.

Argi orrek goitikan bere gezna dakar  
Ta urten-ate bageko bidez bide doa;  
Pozezko eresia zerura digoa,  
Ene biotza itxirik min-oiutan dardar.

Goizez oro eder. Bekoki aratzen  
Ames urdin gorria izarretan dindil.  
Lurrari emoteko poz-kezka ta iskanbil  
Urruneko argiak dira zurrutatzen.

Ubatsa bete da argi dantzariz zorakor,  
Ta Aita'gana naroa eskuz oratua.  
Alaitasuna oro, bigun araztua,  
Umearen mosua baizen su-emakor!

Ildo zabal biotza, ar daidan argia.  
Pozarren lorea da iruntzez astuna:  
Ez bedi gaur samiñik, urrun beazuna;  
Bebil gogo ta biotz argi dantzaria.

Ez negarrik geigo zidor egaletan,  
Ez geigo gurutzerik orma gerizean.  
Ardoa bego, ostera, guztien maiean  
Gizakia soin-gogo mozkiortu laiñetan.

Bekar egun barriak itxaro gozua  
Izadira bezenbat leun nire barnera.  
Bigo ene arnasa egazka ortzera,  
Eguzkiaren muiña baizen galdatua.

Ez geiago zabarrrik, ezta erortzerik.  
Beuko bakoitzak gertu barreneko ildoan,  
Poza ta Jainkoaren bake txit goxoa.  
Erne, azi ta ugalduta daitezaz joririk.